

Ақийда дарслари (149-дарс). Аҳли сунна мавқифи (тўртинчи мақола)



АҚИЙДА
149-ДАРС

ШАЙХ МУҲАММАД СОДИҚ МУҲАММАД ЮСУФ РОҲИМАҲУЛЛОҲНИНГ
«АҚОИД ИЛМИ ВА УНГА БОҒЛИҚ МАСАЛАЛАР» ВА «СУННИЙ АҚИДАЛАР»
КИТОБЛАРИ АСОСИДА БЕРИБ БОРИЛАДИ.
МАВЗУЛАРНИНГ ТЎЛИҚ МАТНИ БИЛАН ТАНИШИШ УЧУН
КИТОБНИНГ ЎЗИГА МУРОЖААТ ЭТИШ ТАВСИЯ ЭТИЛАДИ.

18:00 / 30.08.2021 3054

Ҳеч бир ақли инсон «Мен бу ёки у ишни Аллоҳ таоло мажбур қилгани учун қилганман, ўз қилмишимга жавобгар эмасман», дея олмайди.

Аллоҳ таоло бандага Ўз иродаси доирасида ихтиёрни берган. Банданинг ихтиёри Аллоҳ таолонинг ихтиёрига тобедир. Аллоҳ таолонинг китобида бандаларнинг амал қилишдаги ҳурриятларини баён қилувчи оятлар бир қанча.

Аллоҳ таоло Каҳф сурасида айтади:

أَنْدَتَعَا أَنْ رُفِكَيْلَفَ ءَاشَ نَمَو نَمُوؤَيْلَفَ ءَاشَ نَمَفْ مُكَّبَّرْ نَمُ قَحْلَلِ لِقَو
لَهُمُ لَأَكْ ءَامَبِ اُوْتَاغِي اُوْتِيغْتَسَي نِ اُو اَهُقْدَارُسْ مَوَبَطَا حَ اَرَانِ نِي مِلْ اَطْلَلِ
اَقَفْتَرْمُ تَءَاسَوُ بَارْشَلِ سَنَبْ هَوُجُ وُلِ اِي وُشَي

«Ҳақ Роббингиз томонидандир. Бас, ким хоҳласа, иймон келтирсин, ким хоҳласа, куфр келтирсин», дегин» (29-оят).

Яъни «Эй одамлар, сизга келган ҳақ нарса – Қуръон, Ислому Роббингиз томонидандир. Ким хоҳласа, Унга иймон келтирсин, хоҳламаса, ўзи билади. Ихтиёр ўзларида», деб айтгин уларга, эй Пайғамбари охири замон».

Аллоҳ таоло Юнус сурасида айтади:

يَدْتَهِيَ اِمَّنْ اِنْ فَيَدْتَهِيَ اِمَّنْ فَيَدْتَهِيَ اِمَّنْ فَيَدْتَهِيَ اِمَّنْ فَيَدْتَهِيَ اِمَّنْ
لِيَكُوْبُ مُكَيَّلًا اِنْ اَمَّوْا اَهْلًا لَعَلَّ لَضِي اِمَّنْ اِنْ لَضِي نَمَوْوْا وَسَفَنَل

«Эй одамлар! Батаҳқиқ, сизга Роббингиздан ҳақ келди. Бас, ким ҳидоятга юрса, ўзи учун ҳидоят топадир. Ким залолатга кетса, ўз зарарига залолат топадир. Мен сизларнинг устингиздан қўриқчи эмасман», деб айт» (108-оят).

Ҳамма нарса очиқ-ойдин бўлди. Энди ҳар ким ўзини билиб иш кўрсин.

«Эй одамлар, сизга Роббингиздан ҳақ келди».

Эй одамлар, сизга Роббингиздан ҳақ Пайғамбар – Муҳаммад алайҳиссалом келди.

Эй одамлар, сизга Роббингиздан ҳақ китоб – Қуръони Карим келди.

Эй одамлар, сизга Роббингиздан Ҳақ дин – Ислом келди.

Эй одамлар, сиз ўзингизга Роббингиздан келган ҳақ Пайғамбар – Муҳаммад алайҳиссаломга эргашинг, ҳақ китоб – Қуръони Каримга амал қилинг ва ҳақ дин – Исломни ҳаётингизга татбиқ қилинг, икки дунё саодатига эришасиз.

«Бас, ким ҳидоятга юрса, ўзи учун ҳидоят топадир».

Аллоҳнинг ҳидоятига юрганлар ўзлари учун фойдага эришадилар. Бошқа бировга хизмат қилган бўлмайдилар.

Шунингдек,

«Ким залолатга кетса, ўз зарарига залолат топадир».

Ким Аллоҳнинг ҳидоятида юрмаса, залолатга кетган бўлади. Залолат эса кони зарардир. Бинобарин, залолатга кетган ҳар бир шахс ўзига ўзи зарар қилган бўлади.

«Мен сизларнинг устингиздан қўриқчи эмасман», деб айт».

Ҳа, Пайғамбар алайҳиссалом ҳам, ул зотдан бошқа бирор киши ҳам ҳеч кимнинг устидан қўриқчи қилиб қўйилган эмаслар. Уларнинг вазифаси Аллоҳнинг динини кишиларга етказиш, холос. Ҳар ким нима қилса, ўзи учун қилади.

Шунинг учун ҳамма Аллоҳ таолонинг айтганини қилиши лозим. Аллоҳ таоло эса бандага «Амал қил», дейди.

Аллоҳ таоло Каҳф сурасида:

وَجَرِي نَاكَ نَمَفُ دِحَاوُهُ لِمُكُهُ لِمَا نَأَي لِحَاوِي مَكُلُ شِم رَشَبَا نَأَمَّا نِ لِق
أَدْحَاوُهُ دَابَعَبُ كُرْشِي الْوَأَحْلَا صَالَمَعَلْ مَعِي لَفِ وَبَرَاءِ قَل

«Бас, ким Роббига рўбарў келишни умид қилса, солиҳ амал қилсин ва Роббининг ибодатига ҳеч кимни шерик қилмасин», деган (110-оят).

Аллоҳ таоло Наҳл сурасида:

أُولُحُ دَا مُكَيْ لَعُ مَالَسَ نُولُ وُقَي نَبِيَّ طَ ةَ كَيْ آلَمُ لِمُ هُ أَفَوَتَاتَ نِي دَلَا
نُولَمُعَاتَ مُتُنُ كَامَبَ ةَ نَجَلَا

«Қилиб юрган амалларингиз туфайли жаннатга киринг», деган (32-оят).

Имом Термизий ривоят қилган ҳадиси шарифда Пайғамбар соллаллоҳу алайҳи васаллам:

«Беш вақт намозингизни ўқинг, ойингиз рўзасини тутинг, молларингиз закотини беринг, Роббингиз жаннатига кирасиз», деганлар.

(Тамом)

«Сунний ақийдалар» китоби асосида тайёрланди